

ՀՈՎՀԱՆՆԵՍ ԲԱՂՐԱՄՅԱՆԻ ՄԱՍՆԱԿՑՈՒԹՅՈՒՆԸ
«ԲԱԳՐԱՏԻՈՆ» ՀԱՐՁԱԿՈՂԱԿԱՆ ՕՊԵՐԱՑԻԱՅԻՆ

Մ. Գ. ՍԱՀԱԿՅԱՆ

1943 թ. սեպտեմբերի վերջին Բրյանսկի ռազմաճակատի զորքերի մուտքը Բելոռուսիայի արևելյան շրջանները և խորհրդային զորքերի 1944 թ. հաղթանակները Լենինգրադի տակ, Ղրիմում և Աջափնյա Ուկրաինայում նպաստավոր պայմաններ ստեղծեցին Բելոռուսիայի և Մերձբալթիկայի հանրապետությունների ազատագրման համար:

1944 թ. գարնանը, Կարմիր բանակի գլխավոր հրամանատարության Ռազմակայանում, խիստ զաղտնիության պայմաններում պատրաստվում ու մշակվում էր իր ծավալներով Երկրորդ համաշխարհային պատերազմի խոշոր ռազմական գործողություններից մեկը՝ Բելոռուսական հարձակողական օպերացիան «Բազրատիոն» ծածկանվամբ: Այդ օպերացիային մասնակցող Բելոռուսական 1-ին, 2-րդ, 3-րդ և Մերձբալթյան ռազմաճակատներին Ռազմակայանը տրամադրեց 20 համազորային, 2 տանկային, 5 օդային, 2 առանձին տանկային կորպուս, 7 ամրացված շրջան և 22 բրիգադ¹: Ռազմական լայնածավալ օպերացիային մասնակցող ռազմաճակատների զորքերի խմբավորման գործողությունները կոորդինացնելու էին խորհրդային Միության երկու մարշալներ, ձախ թե՛ Գ. Կ. Ժուկովը, իսկ աջը՝ Ա. Մ. Վասիլևսկին:

Մինչև օպերացիայի սկսվելը Ռազմակայանում և ռազմաճակատների շտաբներում մեծ, ծավալուն աշխատանք կատարվեց: Ռազմաճակատների զորքերի հրամանատարները մի քանի անգամ կանչվեցին Մոսկվա, ուր տեղի ունեցան խորհրդակցություններ Գերագույն գլխավոր հրամանատարի մասնակցությամբ: Օպերացիայի նախապատրաստման աշխատանքներին խորհրդային Միության մարշալ Գ. Կ. Ժուկովի, Ա. Մ. Վասիլևսկու, բանակի գեներալ Կ. Կ. Ռոկոսսովսկու, գեներալ-գնդապետներ Ի. Դ. Չերնյախովսկու, Գ. Ֆ. Ջախարովի, ավիացիայի գլխավոր մարշալ Ա. Ա. Նովիկովի հետ միասին ակտիվորեն մասնակցեց հայ ժողովրդի մեծ զավակ, բանակի գեներալ Հ. Խ. Բաղրամյանը:

Մայիսի 22-ին «Բազրատիոն» հարձակողական օպերացիային մասնակցող ռազմաճակատների հրամանատարները և ռազմական խորհրդի անդամները հրավիրվեցին Մոսկվա խորհրդակցության: Մինչև խորհրդակցության սկսվելը Հ. Խ. Բաղրամյանը հանդիպեց մարշալներ Գ. Կ. Ժուկովին ու Ա. Մ. Վասիլևսկուն և նրանցից իմացավ այդ օպերացիայի՝ Մերձբալթյան առաջին ռազմաճակատի վրա դրված դերի ու խնդիրների մասին: Հատ նախնական պլանի Մերձբալթյան առաջին ռազմաճակատի զորքերը պետք է Վիտեբսկից հյուսիս-արևմուտք ճեղքեին թշնամու պաշտպանությունը, գետանցեին Արևմելյան Դվինան և գլխավոր ուժերով հարձակվեին Լեպելի, Մոլոդեչնոյի ուղղությամբ: Հ. Խ. Բաղրամյանը երկյուղ հայտնեց, որ իրադարձությունների նման զարգացման դեպքում թշնամու «Հյուսիս» բանակների խումբը, որ ամրացված էր Մերձբալթիկայում, կարող է հյուսիսից ուժեղ հակահարված հասցնել Մերձբալթյան առաջին ռազմաճակատի թե՛ն ու թիկունքին, վտանգի տակ դնելով ամբողջ օպերացիայի հաջողությունը: Նա առաջարկում է հա-

¹ История Второй мировой войны 1939—1945. М., 1978. Т. 9, с. 42.

րավ-արևմտյան ուղղությամբ խոր հարված հասցնելը հանձնարարել Բելոռուսական 3-րդ ռազմաճակատին, իսկ իրենց հիմնական ուժերը նետել դեպի արևմուտք։ Մարշալները ընդունեցին Բաղրամյանի ասածները և իրենք էլ գտան, որ այդպիսի սպառնալիքը իրական է և խոստացան Գերագույն գլխավոր հրամանատարին օպերացիայի վերջնական տարբերակը ներկայացնելիս զեկուցել այդ մասին²։

Մայիսի 23—24-ին Ռազմականում կայացած խորհրդակցությունում առաջարկվեց նոր պլան, որի համաձայն սկզբում պետք է շրջափակվեին ու ոչնչացվեին Վիտեբսկի և Բոբրույսկի շրջաններում գտնվող թշնամու թևային խմբերը, իսկ հետո հարվածը ուղղվեր Մինսկի խմբավորման դեմ։ Մերձբալթյան առաջին ռազմաճակատի զորքերը հարձակվելու էին Լոմժա, Բեռլինգո-վիլի, Չաշնիկի ուղղություններով, հիմնական խնդիր ունենալով «Հյուսիս» բանակների խումբը մեկուսացնել «Կենտրոն» խմբից։ Մարտական գործողությունների ամբողջ ընթացքը հաստատեց, թե որքան ճիշտ էին գնահատվել Լ. Ն. Բաղրամյանի առաջարկները։ Մերձբալթյան առաջին ռազմաճակատի շտաբում օպերացիայի նախապատրաստումը գնում էր մեծագույն գաղտնիության պայմաններում։ Ռազմաճակատի ու բանակների շտաբում ուսումնասիրվում և վերլուծվում էր թշնամու ուժերի դասավորությունը, պաշտպանական բնագծերի, պաշտպանական խորությունների, ակնադաշտերի մասին հետախուզական տվյալները։ Լ. Բաղրամյանի գլխավորությամբ քննվում և որոշումներ էին ընդունվում բանակների և տարբեր զորատեսակների համագործակցության, նրանց հարձակման ուղղությունների, մարտական առաջադրանքների կատարման և այլ բազմաթիվ հարցերի վերաբերյալ։ Ռազմաճակատի ինժեներական զորամասերը ականազերծեցին 400 ք. կմ տարածք, կառուցեցին 500 կմ ճանապարհ³։ Կարճ ժամանակում կուտակվեց անհրաժեշտ քանակությամբ ռազմամթերք, վառելիք, պարենամթերք և այլ նյութական միջոցներ։

Զորավարին մեծապես օգնեցին նրա մերձավոր զինակիցները՝ ռազմաճակատի շտաբի պետ, գնահատվ. Վ. Վ. Կուրասովը, ռազմաճակատի հրամանատարի տեղակալ Վ. Ի. Կուզնեցովը, ռազմական խորհրդի անդամ, գնահատվ. Դ. Ս. Լեոնովը, թիկունքի պետ, գնահատվ. Դ. Ա. Անդրեևը, հետախուզության պետ, գնդապետ Ա. Ա. Նուբրովը և ուրիշներ։

Բանակի գնահատվ. Լ. Ն. Բաղրամյանի բնավորության կարևոր գծերից մեկը բացառիկ ճշգրտությունն էր, որը հատկապես դրսևորվեց օպերացիայի մշակման, որոշման ընդունման և այն իրականացնելու ժամանակ։ Նա իր զինակիցներից պահանջեց ներկայացնել օպերատիվ իրադրության մանրագներ, օբյեկտիվ վերլուծությունը, հիմնված հավաստի աղբյուրների վրա։ Շտաբը մշակեց և Բաղրամյանին ներկայացրեց առաջիկա հարձակման գոտում ճշգրիտ ու կոնկրետ տվյալներ թշնամու և իր ռազմաճակատի ուժերի դասավորության, նրանց մարտական վիճակի ու մարտունակության մասին։ Կատարվեցին գնահատիչ նաև մյուս հանձնարարությունները։

Մեծ ուշադրություն դարձվեց բժշկական ծառայության վրա։ Զորավարը համապատասխան հանձնարարականներ տվեց իր հայրենակից, ռազմաճակատի սանիտարական վարչության պետ, գնահատվ. Ավետիք Իգնատիի Բուռնազյանին⁴։

Զորքերի անձնակազմներում քաղաշխատանքը և մարտական ծառայական պարագմունքները անցկացվեցին անհրաժեշտ մակարդակով։ Յուրաքանչյուր հրամանատար ու զինվոր պետք է տեղյակ լիներ միջազգային դրությունը, գիտենար խորհրդա-գերմանական ռազմաճակատներում տիրող իրադրության, խորհրդային բանակի հաղթանակների, հիտլերականների ոճրա-

2 Ի. Ք. Բաղրամյան. Այսպես մենք հասանք հաղթանակի. Երևան, 1979, էջ 38։

3 История Второй мировой войны 1939—1945. Т. 9, с. 45.

4 Ի. Ք. Բաղրամյան. Այսպես մենք հասանք հաղթանակի, էջ 362։

զործությունների մասին և այլն⁵։ Ընդհանուր հարձակումից առաջ ռազմաճակատի բոլոր միավորումներում ու զորամասերում անցկացվեցին ժողովներ ու միտինգներ։

Մերձբալթյան առաջին ռազմաճակատի հրամանատարը և ռազմական խորհուրդը, հիմնվելով Ռազմական կողմից հաստատված օպերացիայի հիմնական դրույթներից, որոշեց թշնամու պաշտպանական գիծը ճեղքել Վիտեբսկ և Պոլոցկ քաղաքների միջև ընկած տարածքում՝ Չերվյատկա լճից մինչև Մուրոմեյիցա լիճը, գլխավոր հարվածը հասցնելով Ուլլա, Բեշենկովիչի, Չաշնիկի ընդհանուր ուղղությամբ և Բելոռուսական երրորդ ռազմաճակատի զորքերի հետ միասին ջախջախել թշնամու Վիտեբսկյան խմբավորումը։ Հետագայում զարգացնելով հարձակումը դեպի հարավ և հարավ-արևմուտք, գետնանցել Արևմտյան Դվինյան և բելոռուսական ռազմաճակատների սերտ համագործակցությամբ վճռական թևային հարված հասցնել թշնամու կենտրոնական խմբավորմանը։

Մերձբալթյան առաջին ռազմաճակատի դիմաց կանգնած էին թշնամու «Հյուսիս» բանակների խմբի 16-րդ դաշտային և «Կենտրոն» բանակների խմբի 3-րդ տանկային բանակները։ Պոլոցկի և Վիտեբսկի ուղղություններով վեց ամիսների պաշտպանության ընթացքում, 1943 թ. նոյեմբերից սկսած, հակառակորդը ստեղծել էր գերազանցապես համատարած խրամատային խորը էջելոնացված պաշտպանություն, հարմարեցված անտառաճահային տեղանքին, լճերին և գետերին։ Ռազմաճակատի հրամանատար Հ. Խ. Բաղրամյանը և նրա զինակիցները հանգեցին ճիշտ եզրակացության, որ հարձակման արդյունավետությունը ավելի բարձր կլինի, եթե հարձակումը իրականացվի լայն ճակատով՝ Պոլոցկ—Վիտեբսկ տարածքում՝ Լովժա—Բեշենկովիչի ուղղությամբ, շրջանցելով Վիտեբսկը արևմուտքից։ Տարածքը, որտեղով պետք է հարձակվեին զորքերը, խիստ կտրտված էր անտառաճահային զանգվածներով։ Դա թեթևացնում էր պաշտպանվողի խնդիրը և հակառակը՝ խիստ դժվարություններ ստեղծում հարձակվողի համար։ Հարձակման տեղանքը գնահատելով, ռազմաճակատի հրամանատարությունը, հիմնվելով մարտեղի նախկին փորձից, հանգեց այն ճիշտ հետևություն, որ օպերացիայի հաջող իրականացումը նման տեղանքում անհրաժեշտություն է դարձնում զորքերի միաժամանակյա հարձակումը ավելի լայն ճակատով՝ ճեղքելով հակառակորդի պաշտպանությունը առանձին ուղղություններով, իհարկե խստիվ պահպանելով օպերացիային մասնակցող միավորումների ու կրակային մարտակարգերի համագործակցությունը։

Իր մարտական զինակիցների հետ բոլոր խնդիրները քննելուց ու վերլուծելուց հետո, Բաղրամյանը որոշեց հարձակումը իրականացնել երեք փուլով։ Առաջին փուլում հակառակորդի պաշտպանությունը պետք է ճեղքվեր «Հյուսիս» և «Կենտրոն» բանակների միացման 25 կմ հատվածում՝ Բուլոտովկա բնակավայրից մինչև Տոշնիկ, երկրորդ փուլում՝ գետնանցել Արևմտյան Դվինյան և Բելոռուսական երրորդ ռազմաճակատի 39-րդ բանակի համագործակցությամբ Վիտեբսկի շրջանում շրջապատել և ոչնչացնել թշնամու խմբավորումը, երրորդ փուլում՝ գրավել Պոլոցկ, Լեպել և Կամեն քաղաքները։

Այս, իհարկե, մազաչափ չէի կասկածում,—գրում է Հ. Բաղրամյանը,—մեր որոշման իսկությունը և առանձնապես տեղանքի բոլոր մանրամասներն ուսումնասիրողներին պարզ էր, որ զորքերի հարձակումը չէր կարող իրականացվել ճեղքման ամբողջ լայնքով (խանգարում էին ճահիճները և ճահճակալած տարածությունները), քանի որ զորքերի նշանակալի մասը ստիպված կլիներ հարձակվել տարբեր ուղղություններով։ Իսկ այդ նշանակում է, որ փաստացիորեն այդ ուղղություններում զորքերի հարվածային ուժը կլիներ ճիշտ այնպես, ինչպես որ այդ նույն զորքերը ճեղքումն իրականացնեին

⁵ Ռուսաստանի դաշնության Պաշտպանության մինիստրության կենտրոնական արխիվ (այսուհետև՝ ՌԴ ՊՄԱ), ֆ. 235, ց. 2086, գ. 368, թ. 4։

ավելի նեղ ճակատով: Դրա համար էլ ճեղքման լայն գոտին հարձակվողի համար ապահովում էր վերադասավորվելու հնարավորություն»⁶:

1944 թ. հունիսի 22-ին Մերձբալթյան առաջին ռազմաճակատի զորքերը սկսեցին հետախուզական մարտեր, իսկ հաջորդ օրը՝ հունիսի 23-ին, հրետանային ու ավիացիոն ուժեղ նախապատրաստությունից հետո անցան հարձակման: Սկսվեց Բելոռուսիայի լրիվ ազատագրումը դերմանա-ֆաշիստական զավթիչներից: Հնդհանուր հարձակումն այդ ուղղությամբ շատ շլմեցուցիչ էր ու հանկարծակի թշնամու համար: Այդ մասին են վկայում նաև գերմանական ռազմական մասնագետները: «Հատկապես լարված էր, — գրում է գերմանական անհատը, — հունիսի 22-ին, ի տարբերություն մյուս ռազմաճակատների հարվածների, այն միանգամայն հանկարծակի էր»⁷: Մինչև օրվա վերջը ռազմաճակատի հրամանատարը անընդհատ տեղեկություններ էր ստանում ռազմաճակատի տարբեր հատվածներից հարձակման ընթացքի մասին և բանակի հրամանատարներին տալիս անհրաժեշտ ցուցումներ, փոխկապակցում նրանց գործողությունները: Առաջիկա օրվա բոլոր լուրերը ուրախալի էին: Եվ դա հաստատում էր այն բանի, որ օպերացիայի նախապատրաստման գործում նրա և իր զնակիցների ներդրած մեծ ջանքերն ու անքուն գիշերները իզուր չեն անցել: Հարձակման ընթացքը շատ հաջող էր, ճեղքվել էր հակառակորդի պաշտպանությունը և զորքերը մոտենում էին Արևմտյան Դվինային:

Մերձբալթյան առաջին ռազմաճակատի զորքերը հարձակման առաջին օրը ջախջախելով թշնամու 252-րդ և 56-րդ հետևակային դիվիզիաները 30 կմ ճակատով, առաջ շարժվեցին 12—16 կմ: Ազատագրվեցին 185 բնակավայր, այդ թվում ուժեղ ամրացված դիմադրության հանգույցներ Սիրոտինո և Շուսիլինո քաղաքները: Մեկ օրվա ընթացքում ոչնչացվեց հակառակորդի 5000 և գերի վերցվեց 350 զինվոր ու սպա⁸: Հարձակվող 43-րդ և 6-րդ գվարդիական բանակներին մեծ աջակցություն ցույց տվեցին ռազմաճակատի 3-րդ ավիացիոն բանակի օդային միավորումները: Այդ օրը խփվեց թշնամու 11 ինքնաթիռ⁹: Զորքերը, շիջեցնելով հարձակման տեմպը, հաջորդ օրը 50 կմ ճակատով դուրս եկան Արևմտյան Դվինա և սկսեցին գետանցումը: Հունիսի 25-ին 43-րդ բանակը, գնեցրալ Ա. Պ. Բելոբորոդովի հրամանատարությամբ ազատագրեց Բելոռուսիայի քաղաքը և Գնեզդիլովի շրջանում միացավ Բելոռուսական 3-րդ ռազմաճակատի գնեցրալ Ի. Ի. Լյուդնիկովի 39-րդ բանակին, արցանի մեջ առնելով թշնամու Վիտեբսկյան խմբավորումը: Երկու բանակների սերտ համագործակցությամբ հաջորդ օրը Վիտեբսկը ազատագրվեց: Հունիսի 27-ին Վիտեբսկի շրջանում շրջապատված թշնամին անձնատուր եղավ:

Վիտեբսկի ազատագրման և ձեռք բերված մեծ հաղթանակի համար Մոսկվան հրավառություն տվեց Մերձբալթյան առաջին և Բելոռուսական 3-րդ ռազմաճակատների պատվին: Գերագույն գլխավոր հրամանատար Ստալինը հեռախոսով կապվեց Հ. Բաղրամյանի հետ և անձամբ շնորհավորեց նրան թշնամու դեմ տարած մեծ հաղթանակի առթիվ: Հ. Բաղրամյանը, օգտվելով առիթից, խնդրեց թույլատրել առավել աչքի ընկածներին ներկայացնել հորհրդային Միության հերոսի կոչման¹⁰: Ռազմաճակատի 145 ռազմիկների շնորհվեց հորհրդային Միության հերոսի կոչում:

Ռազմաճակատի զորքերը մարտերով անցան 115—130 կմ, առաջխաղացման միջին տեմպը հասցնելով 14,5—16,5 կմ, պլանով նախատեսված 7,5—

⁶ «Военно-исторический журнал», 1961, № 4, с. 26.

⁷ К. Тигелсбах. История Второй мировой войны. М., 1956, с. 143.

⁸ ՌԴ ՊՄԿԱ, ֆ. 235, ց. 2074, գ. 846—847, թ. 11—12.

⁹ Նույն տեղում:

¹⁰ «Военно-исторический журнал», 1961, № 5, с. 21.

8,5-ի փոխարեն¹¹։ Հուլիսի 4-ին ռազմաճակատի 6-րդ գվարդիական բանակը ադատագրեց երկաթուղային ու խճուղային խոշոր կենտրոն Պոլոցկ քաղաքը և շարունակեց հարձակումը Դաուգավայիլս—Կաունաս ուղղությամբ¹²։

Հարձակողական գործողությունների առաջին փուլում 1944 թ. հունիսի 23-ից մինչև հուլիսի 4-ը Մերձբալթյան առաջին ռազմաճակատի զորքերը մարտերով առաջ շարժվեցին 200 կմ, ադատագրեցին Բելոռուսիայի 3670 բնակավայր, այդ թվում Սիրոտինո, Շումիլինո, Չաշնիկի, Լեպել, Պուստոշի, Կրուպենինո, Ուշաչի, Դրուլյա, Բրասլավ քաղաքները, դիմադրության խոշոր հենակետեր՝ Վիտեբսկ և Պոլոցկ քաղաքները, գետնանցեցին Արևմտյան Դվինան ու Դյսնան¹³։

Լիտվական սահմանին մոտենալու կապակցությամբ և ստեղծված օպերատիվ նոր իրադրության պայմաններում գեներալ Բաղրամյանը առաջադրեց իր մշակած հարձակման պլանը, որտեղ նպատակահարմար էր գտնում ռազմաճակատի ուժերի մի մասով հարվածել թշնամու Շյաուլայի խմբավորմանը, իսկ գլխավոր ուժերով՝ Ռիգայի ուղղությամբ։ Պլանի խախտանքման դեպքում թշնամու «Հյուսիս» բանակների խումբը Մերձբալթյան 1-ին ռազմաճակատի ուժեղ հարվածի շնորհիվ կբաժանվեր երկու մասի, կկտրվեր դեպի Արևելյան Պրուսիա տանող, կառնիստում և էստոնիայում գտնվող թշնամու հիմնական ուժերի նահանջի ճանապարհը, իսկ նետո Մերձբալթյան ռազմաճակատները սերտ համագործակցությամբ մաս-մաս կշախշախեն ու կոչնչացնեին թշնամու ուժերը։

Հակառակ սպասածին, Ռազմակայանը հուլիսի 4-ին հարձակման այնպիսի պլան առաջադրեց, որը ծանր հարվածի տակ կդնեի ռազմաճակատի զորքերին։ Նոր դիրքերի վրա պահանջվում էր գլխավոր ուժերով հարձակվել Կաունաս, իսկ ուժերի մի մասով՝ Պանեվեժիս—Շյաուլայա։ «Մերձբալթյան 1-ին ռազմաճակատը,—գրում է Հ. Բաղրամյանը,—պարզապես ի վիճակի չէր լինի (այդպես եղավ գործնականում) գլխավոր ուժերով հարձակվել Կաունասի ուղղությամբ, քանի որ նրա վրա դամոկլյան սրի պես կախված էր թևի և խոր թիկունքի ուղղությամբ «Հյուսիս» բանակների խմբի կողմից հարված հասցնելու վտանգը»¹⁴։ Մարտական գործողությունների ընթացքը ցույց տվեց առաջադրված պլանի անիրական լինելը և թեև ուշացումով, Ռազմակայանը փոխեց գլխավոր հարվածի ուղղությունը։

Ռազմակայանի կողմից Հ. Բաղրամյանին հանձնված 2-րդ գվարդիական և 51-րդ բանակների ռազմաճակատի գծին մոտենալու կապակցությամբ Ա. Մ. Վասիլևսկին արդեն տեղյակ էր, որ թշնամին մտադրություն չունի իր զորքերը դուրս հանել Մերձբալթիկայից, ուստի նա գտավ, որ նպատակահարմար չէ գլխավոր ուժերով հարձակվել Կաունասի ուղղությամբ¹⁴ և իր վրա վերցնելով պատասխանատվությունը՝ թույլատրեց Հովհաննես Բաղրամյանին գլխավոր հարվածի ուղղությունը փոխել Շյաուլայա։ Հուլիսի 29-ին այդ որոշմանն իր համաձայնությունը ավելի նաև Գերագույն գլխավոր հրամանատարությունը¹⁵։

Մերձբալթյան 1-ին ռազմաճակատը, կատարելով ուժերի վերախմբավորում և իր կազմում ընդունելով 2-րդ գվարդիական (հրամ. գեներալ Պ. Գ. Չաշնիքաձե) և 51-րդ (հրամ. գեներալ Յա. Գ. Կրեյզեր) բանակները, հուլիսի 20-ին ուժերի մի մասով վերսկսեց հարձակումը ադրեն Շյաուլայի ուղղությամբ։ Ռազմաճակատի զորքերը երեք օրում առաջ շարժվեցին 55 կմ և հուլիսի 22-ին գրոհով գրավեցին Պանեվեժիսը։ Հատկապես համառ մարտեր ծա-

11 ՌԴ ՊՄԿԱ, ֆ. 235, ց. 2074, գ. 846, 847, թ. 21։

12 Նույն տեղում, թ. 11—21։

13 «Военно-исторический журнал», 1962, № 10, с. 6.

14 Գերագույն գլխավոր հրամանատարության Ռազմակայանի որոշմամբ հարձակումը պետք է շարունակվեր Կաունասի ուղղությամբ։

15 «Военно-исторический журнал», 1962, № 10, с. 18.

վալվեցին Շյաուլայի շրջանում: Մի շարք հակազորհներից հետո ուժասպառ եղած, բայց այնուամենայնիվ կատաղիորեն դիմադրող թշնամին հուլիսի 27-ին թողեց Շյաուլայը¹⁶:

Ռազմաճակատի 51-րդ բանակը և 3-րդ մեքենայացված կորպուսը, շարունակելով հարձակումը, ընդհուպ մոտեցան Ելդավային, բայց միանգամից գրավել այն չկարողացան: Այդ ժամանակ Հ. Բաղրամյանը 3-րդ գվարդիական մեքենայացված կորպուսի հրամանատարին հրամայեց հիմնական ուժերով 51-րդ բանակի հետ միասին շարունակել մարտերը Ելդավայի գրավման համար, իսկ տանկային մեկ բրիգադով գրավել Տուկումսը: Տանկային բրիգադը կրեմերի հրամանատարությունում հուլիսի 30-ին գրավեց Տուկումսը և Կլապկալնսի շրջանում դուրս եկավ Բալթիկ ծով¹⁷: Նույն օրը ինքնաթիռից ցած նետվեց վիմպեր, կորպուսի հրամանատարի հրամանի հետ միասին՝ Բալթիկ ծովից վերցնել երեք շիշ ջուր, բրիգադի հրամանատարի ստորագրությամբ հաստատել, որ այն իսկապես վերցված է Բալթիկ ծովից և ուղարկել կորպուսի շտաբը¹⁸: Հ. Բաղրամյանն այդ շշերը ուղարկեց Ռազմակայան: Պաշտպանության պետական կոմիտեի հերթական խորհրդակցության ժամանակ շշերը դրված էին սեղանին, որպես իրեղեն ապացույցներ, որ Մերձբալթյան 1-ին ռազմաճակատի զորքերը դուրս են եկել Բալթիկայի ծովափը:

Ռազմաճակատի զորքերի հարձակողական գործողությունները համորեն ղեկավարելու, թշնամուն ծանր պարտությունների մատնելու և ստրատեգիական մեծ հաջողությունների հասնելու համար ԽՍՀՄ Գերագույն խորհրդի 1944 թ. հուլիսի 29-ի հրամանագրով բանակի գեներալ Հ. Խ. Բաղրամյանին շնորհվեց Խորհրդային Միության հերոսի կոչում:

Թշնամին Արևելյան Պրուսիայի հետ կապը վերականգնելու համար ստիպված դիմեց կտրուկ միջոցների, որոշվեց Բիրժայի շրջանից ուժեղ հակահարված հասցնել Մերձբալթյան առաջին ռազմաճակատի թիկունքին: Օգոստոսի 2-ին թշնամու զորքերը, անցնելով հարձակման, սկզբնական շրջանում հասան տակտիկական մասնակի հաջողությունների, սակայն հետագայում զարգացնել այն չկարողացան: 6-րդ գվարդիական և 43-րդ բանակները հտ մղեցին թշնամու բոլոր հակազորհները, թույլ չտվեցին նրան շարժվելու դեպի Պանենթիս և օգոստոսի 6-ին նորից գրավեցին Բիրժայը¹⁹: Մերձբալթիկայում կորցրածը նորից վերականգնելու համար հիտլերյան հրամանատարությունը դիմեց վճռական միջոցների: Նա ռազմաճակատի մյուս հատվածներից տանկային ու հրետանային նոր ուժեր փոխադրեց Շյաուլայ: Այստեղ կենտրոնացվեցին նաև իր տրամադրության տակ եղած պահեստային ուժերը, նպատակ ունենալով տանկային կործանիչ հարված հասցնել Մերձբալթյան առաջին ռազմաճակատի զորքերին: Հետախուզության միջոցով ռազմաճակատի հրամանատարությունը, ժամանակին կոահելով թշնամու մտադրությունը, հակամիջոցներ ձեռնարկեց թշնամու տանկային լավային դիմադրելու համար: Օգոստոսի 16-ին թշնամու տանկային խումբը 150 տանկերով ու ինքնագնաց թնդանոթներով, ավիացիայի ու հրետանու աջակցությամբ հակահարձակման անցավ սկզբում հարավ-արևմուտքից՝ Կելմեի, Շյաուլայի, Տուկումսի, իսկ հետո հյուսիս-արևմուտքից՝ Աուցե—ժագարե ուղղություններով Մերձբալթյան առաջին ռազմաճակատի զորքերի դեմ²⁰, Սկավեցին համառ ու կատաղի մարտեր: Թշնամու տանկային ստորաբաժանումները ռազմաճակատի որոշ հատվածներում ճեղքեցին խորհրդային զորքերի պաշտպանությունը և 10—12 կմ առաջ շարժվեցին: Խորհրդային հրամանատարությունը շտապ

¹⁶ «Сообщения Советского информ. бюро». М., 1965. Т. 7, с. 28.

¹⁷ ՌԴ ՊՄԿԱ, ֆ. 235, ց. 2074, գ. 849, թ. 39, 42:

¹⁸ А. М. Самсонов. От Волги до Балтики, 1942—1945. М., 1963, с. 339.

¹⁹ ՌԴ ՊՄԿԱ, ֆ. 235, ց. 2074, գ. 351, թ. 17:

²⁰ Նույն տեղում, թ. 108:

կարգով Շյաուլայի շրջանը տեղափոխեց 5-րդ գվարդիական տանկային բանակը և հուժկու հակահարվածով մտիպեց թշնամուն դադարեցնել առաջխաղացումը:

Թշնամուն հաջողվեց միայն ծանր կորուստների գնով նորից գրավել Տուկումսը և 30 կմ միջանցքով վերականգնել ցամաքային կապը Արեւելյան Պրոսիայի հետ, որը հետագայում վճռական դեր խաղաց փրկելու «Հյուսիս» բանակների խումբը գլխովին ջախջախվելու վտանգից:

Օգոստոսի 15-ից 25-ը պաշտպանական մարտերի ընթացքում Մերձբալթյան 1-ին ռազմաճակատի զորքերը ոչնչացրին 15500 գերմանական զինվոր ու սպա, 354 տանկ, 26 ինքնագնաց հրանոթ, 268 հրանոթ, 111 ականանետ, 514 զնդացի և զրավեցին մեծ քանակությամբ ռազմավար, Ջախջախվեցին 4-րդ, 5-րդ, 7-րդ, 12-րդ, 14-րդ, «Մեծ Գերմանիա» տանկային դիվիզիաները, 101-րդ ու «Գրոս» տանկային բրիգադները²¹: Այն ժամանակ, երբ Շյաուլայի շրջանում մեր զորքերը պաշտպանական ծանր մարտեր էին մղում թշնամու դեմ, հաջող էր զարգանում ռազմաճակատի աջ թևում 43-րդ բանակի հարձակումը, որը Լիգայի ուղղությամբ առաջ շարժվեց 70—80 կմ:

Օգոստոսի վերջին արյունաքամ և ուժասպառ եղած գերմանական զորքերը դադարեցրին հարձակումը և անցան խոր պաշտպանության:

Հարձակողական ռազմական բոլոր օպերացիաներում ռազմաճակատի հրամանատար, բանակի գեներալ Հ. Բաղրամյանն իրեն դրսևորեց հմուտ ռազմագետ, տաղանդավոր զորավար ու կազմակերպիչ: Նա կարողացավ ստրատեգիական ամենաբարդ պայմաններում ճիշտ կողմնորոշվել ու ռազմական խոշոր օպերացիաներ ղեկավարելիս ցուցաբերել ինքնուրույնություն և անձնական նախաձեռնություն: Հ. Բաղրամյանը գիտեր նաև Գերագույն գլխավոր հրամանատարության առաջադրել իր մտահղացումներն ու նկատառումները, ինչպես և ծանր ու դժվարին պայմաններում հաջողությամբ լուծել տակտիկական ամենապատասխանատու խնդիրները ու պատվով կատարել Գերագույն գլխավոր հրամանատարության առաջադրանքները:

Հ. Բաղրամյանը խստապահանջ էր ենթակաների նկատմամբ, հետևում էր, որ յուրաքանչյուր հրամանատար հանձնարարված գործին վերաբերվի պատասխանատվության մեծ զգացումով, լինի կարգապահ և օրինակ ծառայի ուրիշների համար: Նրա խստապահանջությունը ենթակաների նկատմամբ զուգորդվում էր հարգալից ու քաղաքավարի վերաբերմունքի հետ: Եվ դա էր պատճառը, որ նա մեծ հեղինակություն էր վայելում իր զինակիցների շրջանում: Նրա ղեկավարած զորքերի բոլոր օղակներում տիրում էր բարձր կազմակերպվածություն ու կարգապահություն: Ռազմական օպերացիաները շտաբներում պլանավորվում և գործնականորեն իրականացվում էին խիստ զաղտնի պայմաններում: Թշնամուն հասցվող նրա հարվածները միշտ հանկարծակի էին ու շեշտակի: Մարտական գործողությունների ընթացքում Հ. Բաղրամյանը մշտապես գտնվում էր հրամանատարական կետում, ուշադիր հետևում էր զորամիավորումների ու զորամասերի հարձակմանը, լսում զեկուցագրեր, համապատասխան ուղղություն ցույց տալիս, անհրաժեշտության դեպքում լինում ռազմաճակատի առաջավոր գծում, իսկ երբեմն էլ, հարկ եղած դեպքում, ելնելով իրադրությունից, բանակի հրամանատարի վիճակը թեթևացնելու համար իր անմիջական հրամանատարության տակ էր վերցնում միավորման ղեկավարումը: Այսպես վարվեց նա Պոլոցկի ազատագրման համար մղված մարտերի ժամանակ: 6-րդ գվարդիական բանակի 28-րդ գվարդիական կորպուսը հուլիսի սկզբին հաղթահարելով անտառաճահային տեղանքը և միևնույն ժամանակ ետ մղելով հակառակորդի կատաղի հակազորհները շարժվում է դեպի Պոլոցկ: Հ. Բաղրամյանը, հաշվի առնելով այդ կորպուսի արագ առաջադրման կարևորությունը, իր անմիջական ենթակայության տակ վերցրեց կորպուսը և դրանով ոչ միայն արագացրեց Պոլոցկի

²¹ Նույն տեղում, թթ. 3, 108:

ազատագրումը, այլև մեծապես օգնեց 6-րդ գվարդիական բանակի հրամանատարին՝ գեներալ Գ. Մ. Չիստյակովին, կատարել իր առջև դրված մարտական խնդիրները²²:

Բաղրամյանը շատ էր հպարտանում իր ենթակայության զորամիավորումներում թշնամու դեմ հերոսաբար կռվող հայրենակիցների անձնուրաց սխրանքներով: Մերձբալթյան 1-ին ռազմաճակատի տարբեր զորատեսակների կազմում «Բագրատիոն» հարձակողական օպերացիային մասնակցեցին հազարավոր հայ ռազմիկներ՝ շարքային մարտիկներից մինչև բարձր հրամանավար:

«Բագրատիոն» հարձակողական օպերացիայի ամբողջ ընթացքում իրենց մարտական դրոշները փառքով պսակեցին հայկական 76-րդ հրաձգային դիվիզիան, որը ստալինգրադյան ճակատամարտից հետո վերակազմվել էր 51-րդ գվարդիականի²³ և սփյուռքահայության միջոցներով կառուցված «Սասունցի Դավիթ» տանկային շարասյունը: Ստալինգրադի և Կուրսկի ճակատամարտերից հետո 51-րդ գվարդիական դիվիզիայի հայ ռազմիկների շարքերը շատ նոսրացել և դարձել էին ինտերնացիոնալ: 1944 թ. հունիսի վերջերին, միայն Արևմտյան Դվինայի գետանցման ժամանակ մարտիքում ցուցաբերած խիզախության ու արիության համար դիվիզիայի 15 ռազմիկների շնորհվեց ԽՍՀՄ-ի Երրորդ Միության հերոսի կոչում: Նրանց մեջ էր հայ ժողովրդի պանծալի զավակ Արամայիս Սարգսյանը: Աչքի ընկան կապիտան Սուրեն Գևորգյանը, ավագ լեյտենանտ Իվան Շալալյանը, մարտիկներ Գուրգեն Ավետիսյանը, Արամ Մանուկյանը, Սուրեն Շոգոյանը, Սեմյոն Թոնյանը և շատ ուրիշներ:

1944 թ. հունիս-օգոստոս ամիսներին 51-րդ գվարդիական դիվիզիան հասավ մարտական բարձր ցուցանիշներին: Դիվիզիան մասնակցեց Զարասայ, Դաուգավպիլս և ժագարե քաղաքների ազատագրմանը: Եվ այդ ամբողջ ընթացքում միավորման հետ համագործակցում ու աջակցում էր «Սասունցի Դավիթ» տանկային շարասյունը:

«Սասունցի Դավիթ» տանկային շարասյունը, շարունակելով հաղթարշավը, մասնակցեց Շյաուլայի շրջանում թշնամու խոր էշելոնացված պաշտպանության ճեղքմանը և իր գործողություններով նպաստեց 5-րդ գվարդիական տանկային բանակի ստորաբաժանումների հաջող հարձակմանը: Դրանից հետո գունդը տեղափոխվեց Պանեվեժիսի շրջանը և մինչև օգոստոս ամիսը գտնվում էր ռազմաճակատի հրամանատար, բանակի գեներալ Հ. Բաղրամյանի ենթակայության տակ: պատրաստ էր մղելու թշնամու հակազորակները Ելզավա—Աուցե ուղղությամբ: Լինելով առանձին տանկային գունդ, այն նետվում էր ռազմաճակատի ամենապատասխանատու և ամենավճռական տեղամասերը: Նրա մարտական ուղին էր Գորոդոկ, Բեշենկովիչի, Պոլոցկ, Դաուգավպիլս, Պանեվեժիս, Պասվալիս, Ելզավա: Մարտերի ընթացքում տանկիստները, գործողությունները հմտորեն զուգակցելով հետևակի հետ, դրսևորեցին հերոսության օրինակներ և ցույց տվեցին, որ իրենք արժանի են կրելու հայ ժողովրդի դյուցազն Սասունցի Դավթի անունը: Գնդի անձնակազմից 200 հոգի պարգևատրվեցին կառավարական շքանշաններով ու մեդալներով²⁴: Տանկային զորամասի դրոշի ներքո մարտնչող, ճանաչված ռազմիկներ Մախորկինի, Դրոպուտի, Խոխլովի, Սերգեյևիչի, Պոմյատինի և ուրիշների հետ ուսուցիչ հերոսաբար կռվեցին նաև մեր ժողովրդի զավակները՝ Վասիլի Չոբանյանը, Լուսեդեն Բերեկչյանը, Սարգիս Նահապետյանը, Միխայիլ Ստեփանյանը, Ալեքսեյ Տոնոյանը և ուրիշներ:

Մերձբալթյան առաջին ռազմաճակատի հարձակման գոտում զորքերի կենտրոնացման, տեղաբաշխման, դիրքավորման, կրակակետերի ընտրման,

²² Նույն տեղում, գ. 846—847, թ. 20:

²³ Կ. Ա. Հարությունյան. 51-րդ գվարդիական դիվիզիայի մարտական ուղին. Երևան, 1983:

²⁴ ՌԴ ՊՄԿԱ, ֆ. 235, ք. 2074, գ. 82, թ. 122:

ինչպես նաև հանկարծակիությունը ու թշնամու պաշտպանությունը ճեղքելու հաջողությունը ապահովելու գործում ակտիվ մասնակցություն ունեցան ռազմաճակատի ու բանակների շտաբներում ծառայող շատ հայ սպաներ:

Բելոռուսիայի հարձակողական օպերացիայի նախապատրաստման դրժվարին ու յարված օրերին շատ եռանդուն էր աշխատում 43-րդ բանակի շտաբի օպերատիվ բաժնի պետի օգնական, մարտական բավականին փորձ ձեռք բերած նախնադեցի 25-ամյա մայոր Խաչիկ Մինասի Համբարյանը: Բանակի շտաբը նրան գործուղեց Կոզոնովի շրջանը, ուր պետք է դիրքեր գրավեին 60-րդ հրաձգային կորպուսի միավորումները: Նա 15 օր կորպուսի հրամանատարի հետ միասին որպես բանակի շտաբի ներկայացուցիչ, մեծ համառությամբ ու ջանասիրությամբ ապահովեց զորքերի գաղտնի կենտրոնացումը նախատեսված հատվածներում²⁵: Կատարված աշխատանքը տվեց իր արդյունքները: Հարձակման առաջին օրը՝ հունիսի 23-ին կորպուսի 235-րդ և 334-րդ հրաձգային դիվիզիաները հրետանային նախապատրաստությունից հետո հուժկու գրոհով կոտրեցին հանկարծակի եկած թշնամու համառ դիմադրությունը՝ նվաճելով Կոտլոմեյևսկի և Ուժլյատինսկ հատվածում 16 կմ ճակատով ճեղքեցին թշնամու պաշտպանությունը և առաջ շարժվեցին 10 կմ²⁶:

Օպերացիայի նախօրյակին 43-րդ բանակի հրետանու հրամանատարի տեղակալ նշանակվեց յարական բանակի նախկին պրապորշչիկ, ռուսական կայսրության համար մարտնչած, Առաջին համաշխարհայինի բազմակի ճակատամարտերի մասնակից «Գեորգևյան 4-րդ», «Վլադիմիրի 4-րդ», «Աննայի 3-րդ», և «Ստանիսլավի 3-րդ» աստիճանների շքանշանների ասպետ, վերինարտաշատցի գնդապետ Կարապետ Վարդանի Հախնազարյանը, որը և անմիջապես ընդգրկվեց օպերացիայի նախապատրաստման աշխատանքների մեջ և դարձավ նրա հաջող իրականացման ակտիվ մասնակիցներից մեկը: Նա այդ օրերին հանգիստ չունեց: Անընդհատ դորամասից դորամաս էր անցնում, փոխգործողությունը ապահովելու համար հանդիպում դիվիզիաների հրամանատարների հետ, իր արժեքավոր խորհուրդներով օգնում և ուղղություն էր ցույց տալիս բանակի հրետանային միախորումների ու ստորաբաժանումների հրամանատարներին՝ կրակակետերի ու դիտակետերի ճիշտ ընտրման, կենտրոնացված նշանավոր հարվածի, հարձակվող հետևակի ու տանկերի համագործակցության և այլ մասնագիտական հարցերի վերաբերյալ: Մարտական գործողությունների առաջին փուլում նա բարդ իրադրության պայմաններում դրսևորեց մարտական իրադրությունը ճիշտ գնահատելու և վճռական պահին հիմնավորված որոշումներ ընդունելու ընդունակություններ:

Հունիսի 23-ին 43-րդ բանակի հրետանային միավորումները և ստորաբաժանումները այնպիսի հուժկու հարված հասցրին թշնամու պաշտպանության բնագծերին, որ կաթվածահար առին նրան, դրանով օգնելով հարձակվող հետևակին արագ հաղթահարելու նախօրոք կառուցված պաշտպանական ամրությունները:

43-րդ բանակի հրամանատար, գեներալ Ա. Պ. Բելոբորոդովը ուներ իր ենթակայության տակ գտնվող զինվորական, կազմակերպչական և տնտեսական կուլությունները ընկալելու և ճանաչելու լավ ղեկավարություն: Նա հարձակողական օպերացիայի սկզբնական ընթացքում նկատեց փորձված հրետանավորին և նրա ռազմական գիտելիքները ավելի արդյունավետ օգտագործելու համար Կարապետ Հախնազարյանին հուլիսի սկզբին նշանակեց առաջին հրաձգային կորպուսի հրետանու հրամանատար: Կորպուսի միավորումները Ա. Մ. Վասիլևի հրամանատարությամբ շատ հաջողաբար տարան թշնամու դեմ Բելոռուսիայում և Մերձբալթիկայում և դրանում իր ներդրումն ունի նաև զբնդապետ Կարապետ Հախնազարյանը, որի համար էլ նա 1944 թ. հուլիսի 17-ին պարգևատրվեց Կարմիր դրոշի շքանշանով:

²⁵ Նույն տեղում, դ. 6140, թ. 300:

²⁶ Նույն տեղում, ֆ. 335, ց. 2074, գ. 846—847, թ. 12:

Մերձբալթյան առաջին ռազմաճակատում հակառակորդին մարդկային ուժի ու տեխնիկայի ծանր կորուստներ պատճառեցին գեներալներ Բագրատ Առուշանյանի, Ավետիք Բուռնազյանի, գնդապետներ Միքայել Մանուկյանցի, Արտաշես Աբրահամյանի, Հաբեթյակ Սաֆարյանի, փոխգնդապետ Գրիգոր Ամիրջանյանի ղեկավարած զորամասերն ու ստորաբաժանումները:

Մերձբալթյան 1-ին ռազմաճակատի զորքերը բանակի գեներալ Հ. Խ. Բաղրամյանի հրամանատարությամբ պատվով կատարեցին Ռազմականի առաջադրած մարտական խնդիրները և հաջողությամբ ավարտեցին «Բագրատիոն» հարձակողական օպերացիան: Զորավարի զորքերը հարձակողական գործողությունների մարտը ընթացքում, հունիսի 23-ից մինչև օգոստոսի 15-ը ազատագրեցին 17966 բնակավայր, ոչնչացրին 111000 գերմանական զինվոր ու սպա, 746 տանկ ու ինքնագնաց հրանոթ, 1090 թնդանոթ, 666 ականանետ, 4400 զնդացիր, 3700 ավտոմեքենա, 120 պահեստ: Գրավեցին 171 տանկ, 15 ինքնագնաց հրանոթ, 80 թնդանոթ, 259 ականանետ, 1850 զնդացիր, 3435 ավտոմեքենա, 360 պահեստ, դերի վերցրին 15650 հիտլերական: Իսկ պաշտպանական մարտերի ընթացքում, որ սկսվեցին օգոստոսի 12-ից և շարունակվեցին մինչև 31-ը՝ գեներալ Բաղրամյանի զորքերը ոչնչացրին 27600 հիտլերական, 1000 տանկ, 208 թնդանոթ, 438 զնդացիր, 126 ինքնաթիռ, 83 զրահամեքենա, 872 ավտոմեքենա և այլ ռազմական տեխնիկա²⁷:

Մեր հայրենիքի մայրաքաղաք Մոսկվան 1944 թ. հունիսի 22-ից մինչև հուլիսի 31-ը վեց անգամ 224 հրանոթից 24 համազարկ տվեց բանակի գեներալ Բաղրամյանի զորքերի պատվին, ողջունելով նրանց թշնամու դեմ տարած փայլուն հաղթանակների համար: Վեց անգամ նրա անունը հիշատակվեց Գերագույն գլխավոր հրամանատարի հրամաններում:

Առջևում Մեմելյան և Քյոնիգսբերգյան օպերացիաներն էին, որոնք նոր փառք բերեցին տաղանդավոր զորավարին:

УЧАСТИЕ И. Х. БАГРАМЯНА В НАСТУПАТЕЛЬНОЙ ОПЕРАЦИИ «БАГРАТИОН»

М. Г. СААҚЯН

Р е з ю м е

Одна из крупнейших военных операций Второй мировой войны — Белорусская наступательная операция «Багратион» — была подготовлена Ставкой Советского Верховного командования и осуществлена с июня по август месяц 1944 г. В разработке этой операции наряду с видными советскими военачальниками Г. К. Жуковым, А. М. Василевским, К. К. Рокоссовским, И. Д. Черняховским активно участвовал командующий I Прибалтийским фронтом генерал армии И. Х. Баграмян. В ходе этой операции войска I Прибалтийского фронта в тесном взаимодействии с войсками I, II, III Белорусских фронтов прорвали укрепленную оборону противника, освободили северные районы Белоруссии и часть Литвы и Латвии. За блестящие победы войск I Прибалтийского фронта Ивану Багрямену было присвоено звание Героя Советского Союза.

²⁷ Նույն տեղում, գ. 851, Բ. 1, 103: